

NAI 1 PETRUS YOM

*BAUKLEL HANHANNU HAB ATAN AMENIG
MEUM DAATE*

¹ Da Petrus, da am Jesus Kristusnu totol danab. Da nai imu Kayaknu danab, Nug tituanałom ele, ag Pontus, Galata, Kapadosia, Asia, Bitinia, aben amu ohpa Juda danab do gopig daateb ele, ahilagnu yaat̄em. ² Amu Kayak, ig Mamenig, Nug anuka ag doyata, nuhig Oudipa nuhikud danabnab daaglagnu amu ag Jesus Kristus ođe dim lamidna, Nug tiigpa opia awak bena daaglagnu tituanałom. Kayaknu ehanit̄ak okai hamu meḡe amu nuhig madod ele ahilagpa hanhan nad̄i daaglahnu ool daate.

³ Kayak ihinig, Nug am Nad̄i Jesus Kristus Mameg amu, ig Nug binag metu! Adinu? Nug ihinignu oo gai iit̄anab doya, Jesus Kristus mauha, edua hibait̄om amupa ig baukkel mekom. Nug ig amu mekom amunu ig Kayak noobpa baukkel ele daagnignu genab dootta, amu ameg međem. ⁴ Amu ele ig Kayak Nug bek̄od keeke madaķunu dab međe ele, keeke amuam hanhan daaku, ii nauhma, iīta ii mema ele amu, Nug hab atan ahilagnu babait̄om daate amu ig amu ele dimpa anidkunignu ameg međem. ⁵ Amu ahilag oopa genab doyakpa Kayak Nug nuhig gagałagpa ag atog noadte. Nug ag atog noateb ukeb amu ahilagnu ehanit̄ak okai babait̄om daate amu gog tak haenpa aoglag. ⁶ Gemu haen imupa ag keeke diigdiigpa ug dooglagtai amge ag ehanit̄ak okai

amu aoglagnu daaṭeb amu ag amunu oolag gamag ahate. ⁷ Ug beteb amu ag diig imunu beteb. Ag bepeg, ahilag oopa genab doyak amu ena, gagatag daaṭete o iiṭate, amu antaknu aaku beteb. Danab ag gol, nug am nauhkuunu keeke, ab adupa epedidteb, amubia ahilag oopa genab doyak, nug nauhkuunu keeke iiṭa, gol editak, enanag, amu epedidkunu ug amu ag beteb. Oopa genab doyak ahilag nug gagatag daaku amu dimpa, Jesus Kristus edua udiku haenpa, ag humitak amu binag metak amu oo metak ele aoglag. ⁸ Amu ag Nug ii anidpig amge nuhignu oolag mauhṭe. Nug ii anidpig amge nuhignu oolagpa genab dooteb. Ag anam doona, haen imupa ag oo gamag ahak nadinab enanagnab ele amu dooteb. ⁹ Adinu? Oopa genab doyak ahilagpa ag nob ena, amuam Kayak ag edua diite amu, ag amu aaku aoteb.

¹⁰ Edua diiak amunu amu prophet, ag Kayaknu ehanitak okai hamu megte, ag gemu nai imu eb qeteb ele, ag amu aoglagnu dayeye, prophet ag amu ii udiak haenpa amunu mehuqpig ele amu, ag edua diiak amunu diig dooglagnu, ag hetodin autnanab aopig. ¹¹ Kristusnu Oudi ahilagpa dayom amu Nug Kristus ug maokunu, amunu binag metak dimpa udikunu ele amu dab mak matom amunu ag amunu haen, amu nuhig keeke laa ele hetodidtapig. ¹² Aria keeke amunu Kayak Nug prophet ag amelagpa Mesias Nug ag ahilag haenpa beeb, anidkulagnu iiṭa, Mesias Nug ag gemu daaṭeb, ahilag haenpa beeb anidkulagnu aum. Amu ag keeke gemu daulagpa dooteb, nai amu Nadinu udat danab ag Kayak Oudi hab atannu gagatagpa

nai mehuqegeg dooteb amu propet ag amunu anu hetodin madipig. Keeke amu engel ag ele dooglagnu oolag nađi daate.

OPIA AWAK DAYAKNU EWAK

¹³ Amunu ag gagatag daaglagnu, ag dab mak ahilag bapaidna daanna, ag oyak ahilag ele atog nona autna aona, ag Kayaknu ehanitak okai hamu megte ele amu, ag Jesus edua udieb aoglag, amunuib dab menan dayeg! ¹⁴ Amu ag Kayak bekod daanna, Nug ode doyeg! Ag tatam kobil genab ii doopig daanna, dab mak nau dim lamidpig ele amu, gemu ag amu aib dim lamidpig. ¹⁵ Iita, Kayak Nug ag onilagpa eum, Nug opia awaknab daate, amubia ag keeke ađi heteb amu opia awak daanna heig! ¹⁶ Amuam Kayak naipa, nai laa daate amubia. Nai amuam inam. “Nug opia awaknab daate amunu ag ele anam dayeg!”

¹⁷ Ag Kayak, Nug am danab oh ahilag hak anen anenpa epediadku ele amu, ag Nug unuqidnana, Nug onig diin, Mame ateb amunu ag haen imupa do danab bia wan imupa oiteb amu ag nuhignu enanag doon, ag oolag ele otaieb, Nug onig binag meteg! ¹⁸ Ag alalkad ag ib ug ele dim lamiteg neum ele amu, Kayak Nug ag gemu daateb amu ag ib amupanu uhuqak ena aon, hab atan gokulagnu amu ib laa, keeke nauhete ele, gol, silwa bia, amupa ii daden meum. Iita! ¹⁹ Ag dooteb, Kristus, Kayak Beka, Nug am hipunin iita, dubutid ele iita amu ag Nug tiig enanag amupa uhuqak aopig. ²⁰ Kayak Nug keeke oh ii beum haenpa Nug tituanom amge dimpa gog tak haen gamag imupaib Kayak me udia, ag ehanadkunu miag atiom. ²¹ Nuhigpa

ag Kayaknu oolagpa genab doot̄eb. Nug mauhe, Kayak Nugib he, edua hibaiṭe, Kayak Nug binag nadi meṭom amunu ahilag oopa genab doyak amu keeke ena awaknu dab mak gogpa tekunu ameg mak ahilag ele amu, Kayak Nugib keeke adit amu diilah daate.

²² Ag gemu ag nai genab dim lamidṭeb amunu ag opia awak danab bena daaṭeb amunu ag lailk̄ad dilagnu oolag mauhṭe. Ag anam daaṭeb amge ag tuđidna, ag lailk̄ad dilagnu oo mauhak genab ele doyeg! ²³ Amu Kayak nai bauklel ele amupa ag menuak bau aon daanna, ag Kayak, Nug ii mauhṭe, Nug hanhan daaṭe ele amu, ag Nug bekod daaṭeb. ²⁴ Kayak naipa nai amunu inam daaṭe. “Danab oh ag gikidah bia daaṭeb, ag binalag amu hađag bia daaṭe. Gikidah qađa edaṭe amu hađag oh maudna, nena qeṭeb ²⁵ amge Nadinu Nai am hanhan daaṭe.” Nai Ena mehuqak ahilagpa uđiom ele amu, nai amu aaķuib ipuanadte.

2

¹ Amunu ag kobol nau oh dim lamidkulagnu amu ag ueg! Ag nai ham bupuak uuna amu ag aka ahilagnu, “Ig am danab ah enaib,” aib apig. Amu danab laa nug keeke kuđum ele dayeb amu ag nuhignu aib oolag nauhom amu ag nai nau ele aib madipig. ²⁻³ Amu ag danab laa nug e laa lana enanag doote amubia ag Kayaknu enanag doona, ag Nug bekod daaṭeb amunu ag ena mekulagnu, nid yud ag huh aoglagnu oolag daaṭe amubia ag Kayak nai dooglagnu oolag dayad!

NADI NUG MEN ENA BAU ELE

⁴ Ag Nadi Jesus topa doig! Nug amu bauklel diig daate. Nug am lag haknu men anuqak bia amu danab ah ag Nug uupig amge Kayak Nug nuŋka tituana, nuhignu am enanag doote. ⁵ Amu ag udin, ag ele men bau daate ele bia daapeg amu Kayak Nug nuhig tamaniak ahilagpa heku. Amupa ag mana metak danab opia awak ele daanna, ag keeke Kayak oo niiṭe ele amu, Jesus Kristus onigpa mana metak bia Kayak keeke amu metaglag. ⁶ Amu Kayak naipa, nai laa Jesusnu am inam daate. “Da men laa, amuam men enanag, amu epedi, Nug am dahil tamaniak gamagpa anuqak daate. Amu laa nug nuhignu oopa genab dooku amu Nug am ii uidma. Iitanab iita.” ⁷ Ag nuhignu oolagpa genab dooteb amu ag nuhigpa ehanitak okai aoteb amge danab ah ag oolagpa genab ii dooteb amu ahilagpa Nug inam beum daate. “Udat danab ag men amu uupig ele amu, gemu Nug lagnu anuqak daate.” ⁸ Aria Kayak nai amunu laa am, “Men amu nug danab ag oolagpa genab ii dooteb ele amu, ag men amupa baelag qekulagnu daaku. Yo, men amu heeb, danab ag nena qekulag.” Adinu ag baelag qekulag? Ag nai ena oolagpa genab ii doopig amunu Kayak antom amubia ag heteb.

⁹ Amge ag Kayaknu danab, ag gatatupa daaegeg, Nug diia, amahlak enapa maatom ele amu, ag Nug ahilagpa ena heum amu miag atiglagnu, Nug ag tituanate daateb, ag am nuhikud mana metak danab daateb, ag am danab ah opia awak daateb, ag am Kayak nuhignab danab ah daateb. ¹⁰ Anuka amu ag Kayaknu danab ah ii daapig amge gemu ag nuhignab danab ah daateb. Amu anuka ag hipuninnu nob nau, ag amu aoglagnu daapig

amge gemu amu ag nob nau amu aoglagnu ii daat̄eb.

KAYAKNU BEGBEG DANAB DAYAKNU NAI

¹¹ O lailad, ag danab atu laapanu, ag am do danab ele bia, wan imupa daat̄eb amunu da ag bedulagnu kobol nau, kobol amuam ag hanhan ig Kayak amegpa danab ena daamtanu wagai met̄eb ele amu, ag kobol amu ii hemananu unuqadtem. ¹² Amu ag danab laa Kayak baekudpa ii daat̄eb ele amu, ag ag oolagpa daanna, kobol ena tutukuib heig! Ag anam hebepeg, danab amu ag ahilagnu nai nau akulagtai ge ag ahilag kobol ena amu anidna, haen Nadi Nug ig danab ig ehanigkunu udik̄u amu ag ele Nug binag mekulag.

¹³ Nadi Jesus Nug Kayak ode dim lamidtom, diig amunu ag ele gabman epegi laih laih oh, Kayak maat̄om daat̄eb ele amu, ag odelag dim lami teg! Amuam danab okainab, laa oh edat̄ak daate, nug odi dim lamidkulag amu ¹⁴ nuhi kud ehani tak, nug waapa daanna, udat het̄eb amu, ag odelag ele dim lami teg! Gabman okai nug danab, ag nug waapa daanna udat het̄eb ele amu, ag ehed hak danab nob nau mat̄anna, danab ag kobol ena het̄eb ele binalag mekulagnu maate, udat het̄eb. ¹⁵ Ag amu odelag dim lamidkulagnu diig am, Kayak Nug oo daate amubia ag kaaka danab dilag nai, maitak iita ele amu, nai amu qepeg nekunu kobol enaib hekulag. ¹⁶ Amu ag danab uhuqak ena aon daat̄eb amunu ag danab uhuqak aopig bia oiyeg! Amge amupa ag kobol nau lokumna aib hepig. Ag Kayaknu kobol ena dim lamidnana, nuhig udat danab dayeg! ¹⁷ Amu ag danab oh binalag eleleib

meig! Ag lailkad Nadinu oolagpa genab dooteb ele, amu dilag oolag mauhad! Ag Kayaknu enanag doon, oolag ele otaiad! Ag wanpanu gumiłak danab okainab, laa oh edatək amu ag nug onig ena meteg!

*BEGBEG DANAB AG JESUS OIYOM AMU DIM
LAMIDNA UG MAOGLAG*

¹⁸ Aria begbeg ag gumak danab ahilkad waalagpa daanna, keeke ohpa ag binalag kobol elelepa meig! Gumak danab ena dilagpaib iiła, gumak danab nau, ahilagnu ehed heteb, amu ele waalagpa daanna, ag binalag kobol elelepa meig! ¹⁹ Ag anam daanna, Kayaknu dab menana oipeg, gumak danab nau ag guitək madapeg amu Kayak Nug haen amupa kobol amu, ag begbeg ag hepig ele amunu oo ena daaku. ²⁰ Aria ag begbeg danab ag kobol ehed laa hepeg, ahilkad gumak danab ag guitək madapeg, ag begbeb ag ahan wagai ii mekulag amu, ag amunu atemun ag nob ena aoglagnu dab mekulag. Amge ag begbeg ag kobol ena laa hepeg, ahilkad gumak danab ag ahan guitək madapeg amu, ag begbeg ag bodo etak daanna, edun wagai ii mepeg, Kayak Nug kobol amunu oo enaib daaku. ²¹ Amu Kayak Nug ag kobol amu dim lamidkulagnu onilagpa eum. Ađinu? Kristus Nug guitək nadı ag ehanadķunu awom. Amu Nug ag kobol nuhig dim lamidkulagnu amu kobol aaķu ipuanałom. ²² Nug am hipunin laa ii heum amu nai ham bpuak laa odepə ele ii beum. ²³ Amu danab ag nuhignu nai eħed apig amge Nug nai eħed ahilagnu nob ii meum. Nug guitək awom amge nuhig guitək amunu Nug ag

nob nau aoglagnu ii aum. Iita, Nug nuka Nug bedu oh Kayak, Nug am epediak danab keeke oh elepaib epedidte ele amu, Nug epegpa meum. ²⁴ Ig hipuninnu begbeg daamtanu, ig Kayak dim lamidkunignu, Jesus Nug ihinig hipunin oh ad emaitakpa mawom. Genab Jesus nug guitak awe, ig amupa elele daat̄em. ²⁵ Am anuka ag am sipsip heteb, amubia ag ib etan gopig amge gemu ag edun ahilag gumak danab, ahilag okai, Nug am ag atog noadte ele amu, Nug gumidna udipig.

3

EWAU DILAG NAI

¹⁻² Amubia ah ag danab ele amu, ag gamulkad waalagpa daanna, kobol enaib heig! Ag anam hekulagnu diig am inam. Danab ahilkad oolagpanu laala ag Kayak nai ii dim lamidteb dayeb amu danab amu ag waalkad ag pehetak daanna, kobol tutuk ele dim lamidna oiteb anidna, ag ele oolag edueb, oolagpa genab dooglag. Ag ahilkad ah dilag kobol ena anidna oolag eduku, ag waalkad dilag nai matiak amupa iita. ³ Amu ah ag idulag tuqak ele daaglagnu, ag bedulag dimitimnuib keeke aib dab mepig. Amuam ikilag udug bala metak, bedulagpa bala golpa hak metak amu lamen ena ena maknu ele. ⁴ Iita, ag oolag unuqagpa bala metaglag amu ena. Bala metak amuam nauhkuu elele iita. Bala amuam oo bodo etak kobol amu nai hak iita kobol ele. Kobol amu Kayak noobpa amu enanag. ⁵ Anuka ah ag Kayaknu oolagpa genab doon opia awak daadtapig, ag amu oopan bala ena anam mena, gamulkad waalagpa ena, bodo etak

oidpig amunu ag idulag tuqak daadtapig. ⁶ Amu Sara nug kobil anam heum. Nug Abraham ođe doya, nuhignu, “Nadi dahil,” awa atom. Amu ag gemu daateb ele amu ag kobil ena heteb dayeb, ag keeke laanu oolag ii otaite dayeb amu ag nug adekud daateb.

⁷ Amubia ele ah gamulkad ag waalkad ele daanna, kobil ena ahilagpa heig! Ah ag geha gamulkad ele oh Kayaknu ehanitak okai hamu megte amu aona, bauklel daaglag amunu danab ag ah dilagnu, “Dahil kadoi, nakok gai iita bia,” doyadnana, binalag meig! Ag amu oh hekulagnu diig am geha keeke laa unuqitak ahilag heeb ii nauhma.

KOBOL ENA HA, UG MAWAKNU KOBOL

⁸ Aria nai imunu gogpa tekulnu amu ag oh oolag laipu ele dab mak laipu ele dayeg! Amu ag oo doyak doonna, eamag nug oo mauhak dooteb ele amu, ag amubia laa Kayaknu oolagpa genab dooteb ele amu, ahilagnu nug oo mauhak ele doyeg! Ag nug ehanitak ena henana, ag aka anen anen ag onilag qepeg neeb oiyeg! ⁹ Amu na layap nug nahippa laa ehed heeb amu na aib nob mena, nuhigpa ehed heme. O iita nug nai ehed laa nahipnu ab amu na aib nob mena, nai ehed nug amegpa ame. Iita, na Kayak Nug ititak ena medakunu unuqite! Adinu? Kayak Nug ag anam hekulagnu onilagpa eum. ¹⁰ Amuam Kayak naipa, nai daate amubia. Nai amuam inam. “Aun laa nug oo gamag ahak bauklel dayaya, haen ena ele anidkunu oo dayeb amu nug nai nau ii matima, amu ele nug odepia ham bpuak nai ii matima.

11 Am nug kobol nau di maṭa, kobol ena haaha, nug madod kobolpa daakunu matiak udat had!
12 Adinu? Nadi Nug danab tutuķu anidkunu neegte, ahilag unuqitak ele doote amge laa ag kobol nau heteb ele amu Nug ahilagnu oo elele ii daate.”

13 Aria na kobol ena eleleib hepe amu danab laa nug na ehad laa ii heidma bia **14** amge na kobol enaib henana, diig amunu guitak aokut dayeb amu na aaku gagatag medate dookut. Na laa ag ehad heidteb amu, na ehad hak ahilagnu amu na aib oot otaiom, na oot amunu badak ele aib doyom.
15 Iita, ag Kristus Nugib aon oolagpa ahilag Nadi anuqak meig! Keeke ena ag ameg men daateb ele amu, laala ag amunu diignu od madapeg amu ag nai nobmekulagnu bapaidna daaglag **16** amge na oot bodo etak ele dayebbeb, danab amu binalag menana, nai nob ena mate! Na anam hekutnu diig am, danab laa ag na Kristus dim lamidtem anidna, na hak ena hetem ele anidteb amunu ag nahipnu ehad ateb, amu na nainu nob elele bodo etak elepaib madape amu ag nai ehad nahipnu maditeb amu ag amunu uðalag neku. **17** Amu Kayak Nug ig kobol ena hetemnu ug maognignu oo daaku dayeb am ena amge kobol nau hetemnu ug maoatem daaku dayeb amu, amuam kobol ena iita.
18 Adinu? Kristus Nug hipunin ihinig uhuqkunu haen laipu aaku mauhom. Nug baula ii mauhma. Nug am opia awak danab, Nug ig omaika, Kayak topa wakunu, ig danab nau, ig abeninig awa mauhom. Nug am danab bedu awe, qeeg mauhom amge Kayak Oudi Nug he, edua hibaiom. Nug baukkel daate. **19** Amu Kayak Oudi nuhigpa Nug uka, oudi mani guitakpa daapig amu amelagpa

nai mehuqom. ²⁰ Oudi amu ag am danab anuka Noanu haenpa Kayak ode tapaeg ne, Kayak Nug pahanab ahilag nob nau madakunu ii dab meum. Iita, Nug oo aeg paha ii beebe, ag amelag meeme, Noa nug ub itom. Ub amupa amu danab ah ebliah ewam ele ag aka oopa nona daanna, ag danab ah nau ele ou qena, ag ele nena qemananu ag lepa ehanitak aopig. ²¹ Aria ag gemu daateb amu, ag am Noa adi, ag adi keeke ipunigteb bia daateb. Ag ele lepa ehanitak aoteb. Amuam layatik amge layatak am bedunigpanu dubutid ihaknu keeke iita. Iita, nug am ig oonig opia awak daakunu keeke. Jesus Nug edua hibaitom amunu udat amupa Kayak Nug heeb, ig anam daagnignu Nug nai nuhig amu qaka aum. ²² Jesus Nug edua hibaita, Nug hab atan teum. Nug Kayak epeg nadippa, amuam anuqak aben, amupa daate. Engel amu, okai dayak oh amu, gagaqtag diigdiig ele oh Nug waapaib daateb.

4

KOBOL NAU UUA, KAYAK DIM LAMITAKNU NAI

¹ Aria Kristus Nug danab bedu awom, bedu amupa guitak nadji awom amunu ag ele Nug heum bia dab mak gagaqtag aweg! Adinu? Danab nug ug bedupa awom amu nug aaku hipunin kobol ohnu uidte. ² Amunu amu dimpa, haen danab amu nug bau dayaya wanpa oite amu nug kobol nau baula ii dim lamidte, danab laa heteb bia. Iita! Nug Kayaknu dab mak dim lamidte. ³ Danab ag Kayak bekod iita amu ag kobol nau diigdiig heteb. Aria ag gemu nai imu aoteb amu ag ele anuka kobol anamib hedapig amge gemu ag ii

heṭeb. Laa ele amu ag baula aib hepig. Kobol amuam inam. Gapai awak kobol, kobol naunu oo ahak, le gagatag lawowa kaaka qak kobol, hobul augigiakpa wanak, le gagaṭag lana mauhnoak oiyak, Kayaknu ḍo tape ne, kayak ham bpuuak binag mak kobol ele. ⁴ Amu gemu ag aaku kobol nau amu ag baula ii heṭeb amunu danab Kayak baekudpa iiṭa, ag ag ele kobol nau amu gemu ii heṭeb amu ag amu anidna otaina, ahilagnu nai ehed aṭeb. ⁵ Amge dimpa ag aka Kayak amegpa ag kobol heṭeb amunu miag atinna akulag. Nug am epediak danab amu Nug danab bau daaṭeb amu mauhpig ele oh kobol anen anen hepig amupa nob nau madaḳunu babaiṭom daaṭe. ⁶ Diig amunu anuka Nai Ena amu danab mauhpig dilagpa ele ukom. Amu amupa ag bedulag heṭodiakpa daaglag amge Nai Ena ahilagpa mehuqom amupa ag dotolag ele Kayak Nug bauklel daaṭe bia daaglag.

⁷ Aria keeke oh iiṭa mekulagnu haen aaku guguiṭak daaṭe amunu ag unuqiṭak ena hekulagnu elele daaglagnu, ag dab men autna aona, gagatag dayeg! ⁸ Ag lailkad dilag huana oolag mauhkuṇu amu dab mak ahilagpa anuqak dayad! Adinu? Layagnu oo mauhak kobol nug kobol ehed kudum tone, iiṭa mete. ⁹ Ag lailkad dilagnu nug ehanitak kobol aib uupig. Ag oolag gamag ahebeb hekulag. ¹⁰ Amu ag oh anen anen Kayaknu ehah aopig amunu ag ehah amupa Kayak Nug ehanitak okai amu hamu megaka, udat hekunignu oo daaṭe bia lailkad ehanateg! ¹¹ Ao, danab oh ag ahilag udat ena anidna, Jesus Kristus onigpa ag Kayak binag mekulagnu amu danab laa nug Kayak nai mehuqte

ele dayeb amu, Kayak nai tutuku mehuqad! Amu danab laa nug layag ehanidte ele dayeb amu nug gagatag Kayak medte ele amupa udat had! Kayak Nug am onig ele amu gagatag hanhannu ele. Genab.

KRISTUS ELE OU QA, UG MAWAKNU NAI

¹² O lailad, ug doyak kobol ab ewak bia ahilagpa beteb, amupa ag aib otaina, “Kobol laanab iiku beteb,” aon apig. ¹³ Iita, ug anampa ag Kristus ele oh ug maoteb doonna, amunu oolag gamag ahad! Amu dimpa Nug onig okai miag atiak beku, haen amupa ag oo gamag ahak nadi doonna amu ag oolag ena ele daaglag. ¹⁴ Amu ag Kristus onig gagatag adateb amunu danab laa ag ahilagnu nai ehed akulag amu ahilagnu am ena. Adinu? Kayak Oudi binag ele, Nug ag ele daateb. ¹⁵ Ag kristen daateb amu ag oolagpanu laa nug dug wak danab, o iita yabhok danab, o iita kobol nau diigdiignu hak danab, o iita danab laa dilag dituanin matak danab aib dayom. Ag kobol amu laa hekulag amu ag guitak aoglag amunu ag guitak amu aomnanu ag kobol laa amubia aib hepig. Ag diig amunu guitak aib aopig. ¹⁶ Amge danab nug Kayak baegpa dayaya, amupa nug guitak aote dayeb amu nug uda aib neum. Iita. Nug onig Kayak baegpan danab daate amunu Kayak binag mad! ¹⁷ Kayak Nug danab ah epediadkunu haen dig ma miagnab daate amu Kayak nuhikud danabnab tatam epediadku. Amu ihinigpa epediak dig meku amu danab ag Kayaknu Nai Ena tapaeg nete ele, ahilagpa amu atemnab daakt? Ag ug naunab aoglag. ¹⁸ Amu tutuku danab edua diiaknu udat

am ug ele dayeb amu danab Kayak baekudpan iita,
ag am hipunin danab ele amu, atemnab ahilagpa
beku?

¹⁹ Amunu Kayak Nug guitak aoglagnu elele a
amu danab laa ag guitak aoteb amu, ag tutuk oina,
bedulag oh Kayak, ig heikom ele, Nug epegpa meig!
Nug am ig hanhan atog noigte.

5

IKI DANAB AG KAYAKNU SIPSIP TUTUKU ATOG NOADKULAGNU NAI

¹ Ahilkad iki danab amu, da ag oolagpa da ele
iki danab bemi daatem, da amelpanab Kristus Nug
ug mawe anidmi, da ag ele, ig oh geha Kayaknu
ehaniłak okai amu heeb miag atieb aognig amunu
da ag iki danab ag udat inam hekulagnu ag mad
adakulnu nai imu yaatem. ² Ag Kayaknu danab
sipsip bia ag epelagpa daatet amu atog noadna
autna aweg! Ag do waapa bia daanna, toliak
udat aib hepig. Iita, ag Kayak oo niite amubia
ena doonna hekulag. Ag men dodoib aoglagnu aib
dab menana hepig, ag oolag ahebeb hekulag. ³ Ag
toliak, ag Kayaknu danab, Kayak Nug ag epelagpa
maatom daatet ele amu, ag amu dilagnu hamu
bia anadkulagnu aib hepig. Ag kobol ena henana,
danab ena daanna, ib ena amu Kayaknu sipsip
ipuanadpeg dim lamięg! ⁴ Anam dayeb amu Sip-
sip Gumak Danab anuqak daate, Nug edua udieb,
ag onig okai ii nauhę ele amu aoglag.

⁵ Danab bau ag onilag qepeg neeb, ahilkad okai
waalagpa dayeg! Ag oh ag nug waapa dayaknu
kobol hena, lailkad waalagpa dayeg! Adinu?
Kayak naipa, nai amunu inam daate. “Kayak

Nug hibguiṭa danab amu ahilag ib oo neṭe amge Nug danab ag onilag qeeg neṭe ele amu, Nug ag ehanadṭe.” ⁶ Amunu ag aka ag onilag qepeg neeb, ag Kayak epeg gagatag waapa daapeg amu Nug geha nuhig dedpa ag humadku. ⁷ Kayak ag gumata atog noadṭe amunu ag ug ahilag oh amu Nug epegpaa meig!

⁸ Ag hanhan dab mena autna aweg! Satan, nug am keked ahilag, nug am laion laa bia danab laa diia laadkunu huanak gayaya oīṭe. ⁹ Amu ag oopa genab doyak ahilag gagatag adan daanna, ag nug mautpeg ukad! Ag dooteb, wan atu ohpa lailkad daateb amu ag ele ug ag dooteb bia doonna daateb. ¹⁰ Kayak Nug am ehanitak okai hamu mekak kobilnu diig daate amu Nug ag Jesus Kristusnu udat okaipa, ag geha nuhig amahlak ena hanhan daate ele amu, ag amu aoglagnu onilagpa eum amunu ag geha ug haen tutuib doonna daapeg amu dimpa Nug edua heeb, ag ena daaglag. Amu Nug geha humata, ag gagatag adualateb daaglag. ¹¹ Gagatag oh nuhigpa hanhan daate. Genab.

BAG QAK NAILAALA

¹² Amu da Silas nuhig ehanitakpa da nai tutu imu ahilagnu yaami. Da nug am ig oh lainignab dootem. Amu udug imupa da ag gagatag aqakulnu, da ag Jesusnu nai oolagpa genab doopig ele amu, nai amunu diig am Kayaknu ehanitak okai hamu megte, da amu ipuanadkulnu yaami. Ag agupa gagatag dayeg! ¹³ Amu kristen tamaniak laa ag bia Babilon daateb, Kayak Nug tituanatom ele amu, ag ele humatak nai ahilagpa meeg goṭe. Amu da bekal Makus nug ele humatak nai me goṭe.

14 Ag nug humitak oo mauhak kobilpa heig!
Amu ag oh ag Kristus ele ou qak daateb amu,
madod ahilagpa daakunu ool daate.

**KAYAKNU NAI Tituanak Bau
The New Testament in the Nobonob Language of
Papua New Guinea
Nupela Testamen long tokples Nobonob long Niugini**

copyright © 1990 Wycliffe Bible Translators, Inc.

Language: Nobonob

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 11 Nov 2022 from source files
dated 9 Oct 2020

ed374bb9-d819-53d1-a85b-f86cce3892e1